

﴿ مَا نَفَدَتْ كَلِمَاتُ اللَّهِ ﴾ .. (الدرس 30) ..

#تدبريات_في_سورة_لقمان .. د . حازم شومان

حازم شومان

الحمد لله وكفى وصلاة وسلاما على عباده الذين اصطفى. اللهم لك الحمد كله ولك الملك كله. وببيدك الخير كله واليك يرجع الامر كله.

اللهم صل على عبدك ونبيك محمد صلى الله - 00:00:00

الله عليه وسلم في الاولين والآخرين وفي كل وقت وحين اما بعد اللقاء الثالث باذن الله سبحانه وتعالى في تدبر سورة لقمان الكلمة اللي والله يا اخواني كل ما الواحد يجي له آآ الام او هموم او شيء من الاحباط او شيء يقرأ الآية ديت يقول يا رب سبحان الله! الله لا

تنفذ - 00:00:30

كلمات والواحد متضايق ليه؟ الواحد حزين ليه؟ ما نفدت كلمات الله سبحانه وتعالى المرة اللي فاتت قلنا شوية كلام كده ما اناش عارف انتم فاكربينه ولا لا القرآن كم اية؟ يلا جهز بسرعة. القرآن كم كلمة؟ القرآن كم حرف؟ كم اية؟ اربعة وسبعين الف اية غلط.

القرآن - 00:00:50

اية سبعة وسبعين الف اية غلط. القرآن كم اية؟ ست الف متين ستة وتلاتين اية. القرآن كم كلمة؟ في عهد الامام ابن كثير. سبعة وسبعين الف ربعمية جنية. تلتمية ولا ربعمية؟ تلتمية تسعة واربعين ولا ربعمية تسعة وتلاتين؟ ربعمية تسعة وتلاتين. ربعمية -

00:01:10

تسعة وتلاتين سبعة وسبعين الف ربعمية تسعة وتلاتين كلمة مصدقا بكلمة من الله اي بكلمة كلمة. انك انت المفروض السبعة وسبعين الف وربعمية تسعة وتلاتين كلمة كل كلمة منهم نبراس لعمرك كله. ونور لحياتك امبارح كنت بدي كلمة بعد العشاء. فعند كلمة وفاقا

بس جزاء - 00:01:30

وفاقا وقاعد بيدور في التفاسير وفي علماء اللغة. عالم يا اخوانا كل كلمة عالم. بس مين اللي ينتفع بالقرآن ومين اللي تغلو همته؟

القرآن ايوه صح مضبوط مضبوط ايوه برافو عليك كم حرف؟ كم حرف؟ تلتمية؟ تلتمية - 00:01:50

تلتमित حلو قربت تلتمية وعشرين الف وخمستاش كلمة جزاك الله خيرا. ايه الجمال ده! يبقى لما بتختتم خاتمة بتاخذ قد ايه على الاقل اضرب في عشرة يبقى ربع مليون حسنة باذن الله واكثر من ربع مليون كمان يعني تلتمية وعشرين الف حسنة يعني مقرب من

نص - 00:02:10

حسنة جميل جدا الف لام ميم قلنا انها كلمة ايه؟ ابهار. هي دي الحروف اللي اللي جه منها اية الكرسي واللي جه منها اية المشكاة. واللي جه منها خواتيم مصري واللي جه منها خواتيم البقرة. واللي جه منها الزهراوين واللوامين والحوامين والطواصين. هي دي

الحروف اللي كونت الاعجاز ده كله. تلك اياته - 00:02:30

الكتاب الحكيم قلنا الحكيم من الاحكام ما فيش حد من الباطل يعرف يوصل له. من الحكمة الكلمة بتغير مسار حياتك للصالح من الحكم ده مش وعظ وخلص. ده شرع يا جنة يا نار. من الحكم انك تقدر تحكم نفسك. تلك ايات الكتاب الحكيم هدى ورحمة -

00:02:50

محسنين يبقى مش اي حد بينتفع بالقرآن المحسن هو المكثّر من الحسنات اللي بيعمل افعال صالحة كثير ده اللي قلبه رقيق وطاهر وابيض لما يبجي يتلو القرآن ويزاكر تفسير يبقى القرآن هدى ورحمة. وقلنا الكلمة دي بتلھفنا على انوار القرآن. الذين يقيمون الصلاة.

يقيمون الصلاة لها اصلين. الاصل الاول ايه يا شيخ عبدالله؟ والاصل الثاني ايه يا بشمهندس احمد؟ يلا. نصلي صح. لأ مش انا بقول الاصل بتاعة المعنى قل يقيمون الصلاة من قامة السوق يعني ايه قامة السوق؟ نشطت حركة البيع والشراء. يبقى النشاط في الصلاة. وقلنا الاصل الثاني يقيمون الصلاة من؟ اقامة - 00:03:30

يبقى البناء له عواميد. يبقى الصلاة لها عواميد الوجود سواك وتكبيره الاحرام والسنة القبلية وترديد الاذان كل ده ويؤتون الزكاة وهم بالآخرة هم يوقنون يبقى العبادة جابت ايه؟ العبادة جابت ايه؟ جابت يقين يبقى من الاول كده - 00:03:50

القرآن والعبادة هم اللي هيوصلوك اولئك على هدى على هدى سمناهم اهل القمة واولئك هم المفلحون على وصلوا للقمة ومن الناس من يشتري لهو الحديث. قلنا دول اهل الايه؟ اهل القاع بقى. الناس اللي مش مركزة. الناس اللي اتلهت. الناس اللي الاغاني لهاتها والكورة لهتها - 00:04:10

الفيس لها والواتس لها. والسوشيال ميديا الاتها والتوك شولاهتها. والروايات لهتها والدنيا لهتها والاحداس لهتها. وكل منظومة الله والتسمم الثقافي والمعرفي والاشغال عن القرآن لها. وخذت من الدنيا بقدر فوق قدر الضرورة والاحتياج - 00:04:30

ادى هذا الى ومن الناس من يشتري لهو الحديث ليضل عن سبيل الله يبقى نزرية المؤامرة طلعت صح. فيه ناس عايزاكم تضيعوا. ويتخذها هزوا اولئك لهم عذاب مهين. وقفنا عند هنا نكمل بازن الله سبحانه وتعالى من اول اية سبعة. واذا تتلى عليه اياتنا -

00:04:50

امستكبرا كان لم يسمعها. واذا تتلى عليه اياتنا يبقى الصحابة لما لقوا الواقع مليون لهو. ومليون ملاهي ومليون اشغال. سكتهم تتلى ده مبني المجهول مين اللي بيتلو الايات؟ اصحاب النبي عليه الصلاة والسلام مع النبي، صلى الله عليه وسلم. يبقى كانوا شغالين في الدعوة ولا لأ؟ يبقى لما الواقع يفسد احنا ننام ونركن - 00:05:10

فتصومع ولا ننزل للناس ونشتغل وندعو الى الله؟ واذا تتلى عليه ايه؟ اياتنا يبقى مش قضية كلام وعظي وجميل وخلاص وكلام سخن وكلام يشد الزين اياتنا. الدعوة التي لا تقوم على القرآن دعوة ليس فيها بركة. يبقى الصحابة كانوا واسقين ان الحاجة الوحيدة - 00:05:30

هتقدر تواجه لهو الحديث هو. القرآن. فكان عندهم ثقة في القرآن. وفي نفس الوقت تتلى على مين؟ على اللي بيضلوا عن سبيل الله. ائمة الباطل يبقى احد اخواني من الدعاة عمل مقطع كده من ايام لمغني يعني مشهور جدا ومشهور يعني بان هو يعني يعني ربنا يحفظنا يا رب - 00:05:50

ربي ويهدينا يعني فوانا قاعد بتكلم مع اخويا الداعية ده فبيقول لي لقيتهم بيتصلوا بي ومدير اعماله بيتصل بي وناس من تبعه اتصل بي وهو سمعه سبحانه الله العظيم. الكلام بيوصل يا جماعة. يبقى انك انت يبقى عندك عدم يأس من اي احد. مهما كان هذا الشخص ممكن - 00:06:10

توصل له ونخاطب كل الناس وننزل لكل الناس. واذا تتلى عليه اياتنا خرجنا منها بتلات حاجات. واحد علو الهمة في الدعوة الى الله اتنين الثقة في القرآن وان هو الحل الوحيد لمواجهة كل منظومة اللهو اللي موجودة. ثلاثة عدم اليأس من اي احد مهما كان من ائمة - 00:06:30

الباطل. طب النتيجة ايه؟ ولى مستكبرا كأن كأن لم يسمعها. كأن لم يسمعها دي اكبر عقوبة في القرآن لذنوب اكبر عقوبة في القرآن لذنوب. لا ركزوا معي بقى امال كنا بنتكلم في المرة اللي فاتت. لو انت الكلام بتاع المرة دي - 00:06:50

الي فاتت في ذهنك وربطت به الوقتي ان دي عقوبة زنب هتعرف ان دي عقوبة ذنب الاغاني والمعازف. كأن لم يسمعها ان هي كأنها بتقف لك ودانك ما تيجي تسمع قرآن اذا تتلى عليه اياتنا ايه؟ ولا مستكبرا ليه؟ كأن لم يسمعها مقفولة. صدق لك هنا. ما عدش فيه مات ودي اكبر - 00:07:10

لعلها اكبر اية في عقوبة الاقبال على المعازف المحرمة في القرآن. انها بتقف لك كأن لم يسمعها كأن في اذنيه ايه؟ وقرء فقرة تقف

الحمل الثقيل اللي ساد ودانه مش قادر يسمع. ولما دورت في الوكر اكرت في كلام علماء اللغة. لقيت الوكرة الوكرة - [00:07:30](#)
ان واحد يقوم جايب طوبة وحادف بها عضة عضم في جسم واحد يقوم يشرخ له العضم بتاعه. فالوكر جمع وقر كأن كل اغنية كل
كليب كانها زي طوبة اتحدفت بس في عظام الايه؟ في عظام الاذن كان كل هذه الكلمات الماجنة تلقم في - [00:07:50](#)
الاذن وتقر في الاذن وكأنها تكسر عظام الاذن فتمنع عن السمع. كأنها بتصمهم كأن في اذني مش في اذنه. في اذني اللاتنين اصم من
هنا واصم من هنا ربنا يحفزنا من السما حاجة. كأن في اذنيه وقرا. ولكن كلمة كأن لم يسمعها يا جماعة. الكلمة دي لازم نقف معها -

[00:08:10](#)

يعني مقصد الاية ايه؟ يعني ايه كان لم يسمعها؟ يعني المفروض لما تسمع القرآن حالتك بعد ما تسمع غرقان حالتك قبل ما تسمع.
المفروض القرآن يملأ قلبك بالنور زي جبير ابن مطعم وهو كافر. لما سمع سورة الطور قال ايه؟ كاد قلبي ان يطير ان يطير. الكفار لما
سمعوا سورة - [00:08:30](#)

النجم من النبي عليه الصلاة والسلام عملوا ايه؟ نزلوا سجدوا. كلهم سورة الرحمن لما الجن سمعتها قالت مع كل فباي الاء ربكما من
واحد وتلاتين مرة اللي في السورة ما بشيء من الالك يا ربنا نكذب فلك الحمد تفاعل. سورة الوقاحة عملت ايه في - [00:08:50](#)
النبي عليه الصلاة والسلام شيب رسول الله صلى الله عليه وسلم. شيبته في ناس بتشيب من هم الدنيا. ولكن الرسول عليه الصلاة
والسلام شاب من هم الاخرة. عليه الصلاة والسلام. هو - [00:09:10](#)

في سورة مريم كانت سبب في اسلام ملك من الملوك وهو النجاشي. يبقى اول ايتين في سورة الجن كانوا سبب في اسلام راعي
الكنيسة البرتستان اكبر قصة في مصر ابراهيم خليل فيليبس. قل اوحى الي انه استمع نفر من الجن فقالوا انا سمعنا قرآنا عجبا يهدي
الى الرش - [00:09:20](#)

امنا به. يبقى قضية ان القرآن مؤثر يا جماعة. يبقى يعني ايه كأن لم يسمعها؟ رقم واحد عقوبة على سماع لهو الحديث. يبقى انت لما
تقعد قدام الفيس قدام الواتس وقدام السوشيال ميديا وقدام التوك شو وقدام الروايات وقدام الكرة وقدام الاخبار وقدام البرامج
وقدام الكليات وقدام الاغاني وقدام - [00:09:40](#)

المصيبة ايه؟ المصيبة ان لما الكلام ده يستهلك حياتك في الحاجات دي فيها حاجات مباحة وحاجات محرمة. انما لما كل الجرعة دي
تبقى جرعة زي ما بيسموها كده التسمم المعرفي لما الكلام ده كله يشئت زهناك ييجي واحد يقرأ عليك القرآن خلاص كأن لم يسمعها
اتصمت خلاص - [00:10:00](#)

من لم يسمعها. والمعنى الثاني كان لم يسمعها. الاعجاز التأثري للقرآن. ان مفروض القرآن زرع في قلبك ايه؟ القرآن غير فيك ايه؟
المفروض لما تيجي ايه ده كنت لسة مع واحد اخواني من الدعاء الى الله برضه فبقول له فبتكلم قصة التزام كل واحد منا ايه قال
انا قصة التزامي ان انا كنت شاب ما بصليش وفي يوم ما - [00:10:20](#)

ما صلتش فيه ولا فرض. فواحد اداني سورة مريم شريط سورة مريم بيقول بشغله وبسمعه لحد ما وصلت لقول الله فخلف من
بعدهم خلف اضاعوا الصلاة واتبعوا الشهوات فسوف يلقون غيا بيقول رحت سألت اللي قدام الشريط يعني ايه غير قعد يشرح لي
وادي في جهنم تاب الى الله وبقى داعي الى الله - [00:10:40](#)

بسبب انه سمع ايه؟ سورة مريم يبقى كأن لم يسمعها هي دي المصيبة. ان القرآن مش بيأسر في قلوبنا. ان احنا مش بتفاعل مع كلام
الله كأن في اذنيه وقرى. فبشره بعذاب اليم طبعاً بشره هنا اسلوب ايه؟ استهزاء. اسلوب استهزاء وسخرية. اسلوب استهزاء وسخرية
- [00:11:00](#)

لان دي مش بشرى ده مصيبة. ولكن ده اسلوب استهزاء وسخرية فبشروا بعذاب اليم. ان الذين امنوا وعملوا الصالحات. لهم جنات
النعيم. الله اكبر. الاية دي جت بعد الاية بتاعة لهو الحديث ليه؟ حد يقدر يقول لي ليه؟ ان الذين امنوا احنا بتتدبر الوقتي ان الذين
امنوا وعملوا الصالحات - [00:11:20](#)

هات واحد دول اهل التركيز بقى. بعد لهو الحديث الاية اللي فاتت. مين بقى اللي نجا اللي ركز؟ ان الذين امنوا وعملوا الصالحات. لما

ركزوا ايه لهم جنات النعيم. المفسرين وقفوا وقالوا هو ليه ربنا قال جنات النعيم رغم ان المفروض كان يتقال ايه لهم نعيم الجنات -

[00:11:40](#)

لهم نعيم الجنات انما لأصل لو انتقال نعيم الجنات يبقى الجنة فيها نعيم وفيها مشاكل. فهم هياخدوا نعيمها وما لهمش دعوة بمشاكلها انما جنات النعيم يعني معناها ان الجنات ليس فيها الا ليس فيها نعيم. لما اقول لك انا انا عايز خيرك يبقى انت عندك خير وعندك شر

[00:12:00](#) - بس انا عايز خيرك

انما فربنا ما قالش لهم نعيم الجنات. لهم جنات النعيم ما فيش حاجة فيها الا بتؤدي الى النعيم. لهم جنات النعيم في كلمة انت ممكن وانت ممكن النهاردة تقوم الليل بها. جرب كده. جرب تقعد خمس دقائق او عشر دقائق في الصلاة. يا عم دقيقتين. تعيش مع لو -

[00:12:20](#)

جنة النعيم. جرب كده يا اخوانا احنا موقنين في الدنيا. لو قعدت اكلمك دلوقتي على المطاعم وبرنامج اطلب اللي عليه سبعين مطعم وهو صور الاكل وصور البتاع. انت هتبدأ ريقك يجري. طب انت ريقك ما بيحريش مع آيات الجنة ليه؟ لهم جنات النعيم. انت سامع

[00:12:40](#) - ولا مش سامع؟ ولا اليقين في القلب مش

لدرجة انك انت انك انت فعلا تبقى حاسس بقلبك. وبكيانك وبروحك لهم جنات النعيم. كفاية انك هتكلم ربنا. كفاية ان هيبقى في كلام بينك وبين ربنا. كلام خاص بينك وبين الله سبحانه وتعالى. انا نفسي ادخل الجنة يا اخوانا عشان اقعد مع سيدنا جبريل. عليه

[00:13:00](#) - السلام. سيدنا جبريل مربى لي

اربعة وعشرين الف نبى ورسول. سيدنا جبريل ده ايه؟ ده علمه ايه؟ اللي ربى الانبياء وعلم الانبياء ده ده علمه ايه ده؟ شديد القوة ده ايه ايه ده يعني! ايه العلم! سيدنا جبريل الملائكة وانت قاعد مع الملائكة وبتتكلم معهم بالتأكيد هيبقوا شخصيات اجمل من

[00:13:20](#) - شخصيات كتير قوي انت عرفتھا في حياتك يعني

النبى عليه الصلاة والسلام الانبياء الائمة الاربعة الصحابة التابعين اللي صحابة الانبياء كلهم اللي سمعنا عنهم في سور القرآن غير ان نعيم الجنة مش بس كده زوجتك في الجنة. القصور الطعام الشراب. الرهيب اللي في الجنة. من ضمن نعيم الجنة نعيم الدنيا. قل هي

[00:13:40](#) -

الذين امنوا في الحياة الدنيا خالصة يوم القيامة. يبقى من ضمن انواع نعيم الجنة نعيم الدنيا. شفت واحدة حلوة قبل كده وغضيت بصرك. شفت قصر منيف قبل كده وقلت لأ الآخرة خير وابقى. سمعت عن كل متع وملذات الدنيا اللي في الفنادق السبع نجوم والقرى

[00:14:00](#) - السياحة والجزر السياحية

سمعت عن كل ده كل ده لك في الجنة. ده نوع من انواع النعيم بتاع الجنة. بس انت ممكن ما تبصلوش. لان اللي ربنا هيخلقه لك من

[00:14:20](#) - متع الجنة اضعاف اضعاف

من ضمن نعيم الجنة نعيم الاستقرار. جناته ايه؟ عدنا عد اللي هو الاستقرار مع الالفه والبهجة. ده عيد الاستقرار انك مش خايف. يطلع فجأة كل تيجي تعمل اشعة تطلع آآ سرطان آآ يطلع فجأة آآ حاجة تيجي تحلل يطلع آآ مشكلة يطلع فجأة مش عارف ايه -

[00:14:30](#)

تعامل استقرار لانك انت كنت مستقر في علاقتك بالله سبحانه وتعالى. يبقى اذا الناس دي مين؟ ان الذين امنوا وعملوا الصالحات. ليه جت بعد ومن الناس من يشتري لهو الحديث. الناس دي هي اللي ركزت. الناس دي ربنا بقى بيقول سواب اللي ما خلقهاش ايه. ربنا

[00:14:50](#) - بيتكلم عن اهل العزائم

الناس اللي جاهدت في التدبر في خلق الله. زي ما هناخد الوقتي بازن الله سبحانه وتعالى. الناس اللي جاهدت في التدبر ربنا بيتكلم عن جيل الجيل المنشود الناس اللي لاهها فيس ولا لها واتس ولا لأ انا مش بقول الكلام ده انت امتنع عنه. انا بقول الكلام ده اقصد في

[00:15:10](#) - مشيك. اقصد في عارف وزير الاقتصاد؟ هو

الاقتصاد معناه ان انا ابقى بخيل على طول. لأ الاقتصاد معناه ان المشروع ده ياخذ مليارات. والمشروع ده ياخذ جنيها. والمشروع

ده ما ياخدش حاجة. اقصد في مشيك. انت فوزير اقتصاد عمرك. انت وزير اقتصاد وقتك. لازم تعرف ايه الحاجة اللي تاخذ وقت وياه الحاجة اللي ما تاخدش وقت. وكل حاجة تستاهل قد ايه - [00:15:30](#)

الامر بالضرورة بتاعته وبالقدر بتاعه لازم تبقى مركز ومصحح عشان توصل لربنا سبحانه وتعالى. كنت بقرأ دلوقتي في كتاب ابو اسماعيل الهروي منازل السائرين الى رب العالمين وهو بيقسم الطريق لربنا لميت درجة وميت مقام. وبيقسم الميت مقام لعشر مراحل. وبيتكلم عن - [00:15:50](#)

اشهر مقامات اللي لازم بيقوا في بداية الطريق. والعشر مقامات اللي دول نهاية الطريق. والعشر مقامات اللي مش هتظهر. انا قاعد اقول يا ربي هو الناس ده توصل للكلام ده قضت عمر قد ايه اصلا. عشان يفهموه. ده لسة غير انهم يطبقوه. يا اخوانا فيه ناس مركزة اوي. فيه ناس مركزة اوي اوي اوي اوي - [00:16:10](#)

ربنا سبحانه وتعالى وفي ناس للأسف الشديد يعني يعني مش آآ يعني مش عارفة تركز في علاقتها بالله سبحانه على دول الناجون من النار ان الذين امنوا وعملوا الصالحات التي تصلح لان يقبلها الله سبحانه وتعالى. لهم جنات النعيم - [00:16:30](#)

خالدين فيها وعد الله حقا. وهو العزيز الحكيم. خالدين فيها. ليه نعيم الجنة مستمر؟ لان العمل بتاعهم مستمر. طب تعال نجيب كده من اول السورة الذين ايه؟ يقيمون الصلاة ها يؤتون الزكاة بالاخرة يقوم ايه؟ يوقنون يبقى الناس - [00:16:50](#)

دي الناس دي كانت مستمرة في خانة نعيم مستمر. وفي نفس الوقت الاسلوب ده اسلوب اسمه حرق الدنيا. يعني ايه حرق الدنيا؟ اصل الثاني الدنيا قاعدة خطط في عينيه. اخر كليب بيتفرج عليه قعد يتنطط في ودانه وعينيه. وآآ وانت قاعد تتكلم معه. كنت في جيم كده في بلد بعيدة يعني فيعني - [00:17:10](#)

يعني في مكان كان راقي شويتين ثلاثة اربعة خمسة ستة سبعة كده. فواحد كده نازل وقاعد يلعب جيم وانا مكسوف ان انا واقف في مكان زي ده وانا ما بدعوش الى الله - [00:17:30](#)

فرحت فبكلمه كلام الجولات بتاعنا بقى الكلام الغلبان بتاعنا ده. فاحنا اول مسلا ما توقف شاب تقول له آآ تخيل لو واحد نزل من عربية وملياردير والعربية فخمة والهدوم فخمة وطلع رزمة دولارات هيعمل بها ايه؟ قام مطلع ولا ولاعة وحارقها. فدايما اما نقول للشباب - [00:17:40](#)

عليه بايه؟ يقول ايه؟ مجنون فده بقول له تحكم عليه بايه؟ قال لي هو حر. قلت له يعني ايه هو حر؟ بس انت تحكم عليه بايه؟ قال لي احكم عليه - [00:18:00](#)

هو حر انا ما لي! قلت له ماشي بس جواك ايه؟ قال لي جوايا هو حر. انا فكل ما اجيب له كل ما اجيب له حاجة الاقيهم داخل. ففي الآخر بقول له يا اخي انا عايز اكلملك عن ربنا. قال لي طب ما تتكلم من اولها مباشرة. هو انت ليه هو انت اوعى - [00:18:10](#)

حسيت ان في افق ثاني في الحياة. ففي ناس الجنة الدنيا هتجننها. انا اللي شدني حد دخل له بيقول له ده فيه حفلة وشرموه فرز جاي وقعد يقول شوية اسماء كده مش فاهم بيقول مين هو المفروض ان دول مغنيين يعني ومغنيات عالمين يقولوا مش ممكن احنا - [00:18:30](#)

جسمي فيها لا انا قاعد اقول يا رب هو هو فيه ناس كده يا ربي! هو فيه ناس مش والله يا اخواني المشكلة الواحد لما بيتكلم بقى ويسمع تفاصيل اكثر - [00:18:50](#)

تاخذ وتدي معه في الكلام. وتكتشف انه في يوم من الايام الشخص لقي نفسه حج مرتين. واعتمر ست مرات. ايه ده! والنهارده واقف بيتكلم كده يعني يعني ربنا يسبتنا على طاعته يا رب. خالدين فيها ليه؟ عشان ربنا يحرق الدنيا في عينين اهل الدنيا. لانه بيحب لك نعيم لا يقاوم ولا يتصوف - [00:19:00](#)

ولا يتخيل عشان كده ربنا قال في اخر الاية وهو الايه؟ العزيز. لان فيه ناس ممكن لا تتخيل ان الوعد ده ينفذ اصلا. فربنا بيقول انا لا يعز علينا - [00:19:20](#)

انفز اي شيه حكيم انا لما باحكم بشيه بانفز مع حكمت به. ولي حكمة في كل امر من اموري. سبحانه وتعالى. خالدين فيها حرق الدنيا.

يبقى احنا لو عايزين نواجه فتن الدنيا نواجهها بالكلام عن الجنة. وجايب الكلام عن الجنة. لا يوجد شيء يحرق الدنيا - 00:19:30
عند عباد الدنيا الا كلام عن الجنة. كثرة الكلام بس. الكلام وانت عايش من وشه وانت نفسك فاكر ان الجنة شوية خضرة وماية.
خالدين فيها وعد والله حقا وهو العزيز الحكيم. العزيز الحكيم هنا ليه؟ اول حاجة لان كأن ربنا يببشرك. انك انت لما هتطيعه -
00:19:50

تعزك بعزه وسيهبك من حكمته. الحاجة الثانية العزيز الحكيم كلمة قوية جدا. طب لما انت بقى يبقى فيه صلة بينك وبين العزيز
حكيم ها مش بينك وبين مالك من ملوك الدنيا تخيل كده ولان ربنا لما بيوعد وعود كبيرة اوي اوي اوي يقول لك العزيز -
00:20:10

يا عز علي ان انا انفر اي وعد وعدت به. خلق السماوات بغير عمد ترونها. الله اكبر! جينا الايات من احب الايات الى قلوبنا جميعا
جميعا في القرآن الكريم خلق السماوات بغير عمد ترونها. والقي في الارض رواسي ان تميد بكم وبث فيها من كل دابة - 00:20:30
قاعد ورانا يا شيخ حازم ما تيجي تقرب كده تونسني كده اه خلق السماوات بغير عمد ترونها. هو ايات التدبر دي والقي في الارض
رواسيا ان تميل بكم قل معي. وبث فيها من كل دابة وانزلنا من السماء ماء فانبتنا فيها من - 00:20:50
كل زوج ايه؟ كريم. من كل زوج شداني قوي كلمة كريم. كريم يعني ايه؟ كريم حاجة من اتنين. فيهم معنى موجود في التفسير
وفيهم معنى وفي صدري بصراحة يا جماعة. يعني انا يعني ممكن قرأت في الكتب العلمية مش في الكتب كتب العلماء الاجانب
المت ترجمة عن خلق الله والحاجات اللي زي ديت - 00:21:10

انبتنا فيها من كل زوج كريم. كريم يعني كامل الاوصاف. جمال تقف قدام شجرة التفاح ولا التفاحة ولا الكرزاء جمال وطعم وريحة
وشكل وحاجة تسير شهيتك. وتركيب ومنفعة ايه ده! ايه كله! كامل الاوصاف. كامل الاوصاف - 00:21:30
الحاجة اللي انا يعني قرأتها في كتاب من كتب الاجنبية يعني واحد كان عالم اسمه مايكل دانتون آ استاذ موليك البارولوجي يعني
بيولوجيا جزيئية علوم من قل لهم كده اللي ايه؟ اللي بتصفى عند الروينية يعني. فيقول ان الانسان بيستهلك كمية اكسجين مزهله
يوميا. انت في كل نفس بتستهلك حوالي له ربع لتر اكسجين - 00:21:50

انت بتاخذ كم نفس في اليوم؟ خمسة وعشرين الف نفس. فيه كم بني ادم على وجه الارض؟ سبعة مليار. وفيه كائنات بالمليارات
المليارات هي كمان بتاخذ اكسجين زيتها زي يعني احنا بنستهلك يوميا. فيقول لك الاكسجين ما بيخلصش ازاي؟ ده البني ادم
بيستهلك كمية مربعة. وايام ما كان فيه اتنين بشر على - 00:22:10
وجه الارض ادم وحوا كان الاكسجين واحد وعشرين في المية. والوقت سبعة مليار بني ادم الاكسجين. واحد وعشرين في المية. طب
الاكسجين ما بيخلصش ازاي؟ قال لك بسبب الايه النبات النبات الايه؟ الكريم اللي قاعد يدك بكرم. تخيل النبات ده بيطلع لك كم
مليار طن اكسجين - 00:22:30

عشان كل يوم تصبح تصحى تلاقى الاكسجين ما عدش خمستاشر في المية وبكرة عشرة في المية. وبعده نوطي كلنا على الارض
عشان نلحق اي شوية اكسجين مقربين من الجازبية ولا حاجة. وبعده خلاص تخيل انت كده انبتنا فيها من كل زوج كريم. الله سبحانه
وتعالى كل المخلوقات - 00:22:50

حوالك ربنا خلقها عشان تديك. عشان يتكرم عليك بها. سبحانه وتعالى. هذا خلق الله. هذا خلق الله. هذا خلق اه يعني اه بصوا يا
اخواني بقى انا دلوقتي وانا بتكلم معكم انا اه هسيب دماغي كده وهبدأ اتكلم معكم بقلبي شوية كده لان - 00:23:10
مش عارف ارتب افكاري. رغم ان انا مرتبها قبل ما اجي لكم. بس انا فعلا مش عارف ارتب القاريه. ابدأ بايه؟ واتكلم عن ايه؟ واسيب
ايه؟ اعمل ايه قدام معجزات خلق الله سبحانه وتعالى. هذا خلق الله. الكلى الصناعية اللي البني ادم عملها عشان مرضى الفشل -
00:23:30

كلوي ربنا يعافينا جميعا يا رب. والكلى الطبيعية الكلى الطبيعية الممرات. الفلاتر بتاعتها طولها مية كيلو متر. الفلاتر بتاعة الكلية لو
فردتها ميت كيلو متر. الدم بيعدي على ميت كيلو متر يقعد يتفلتر ستة وتلاتين مرة في اليوم. وانت مش حاسس وانا قاعد وباتكلم.

وانا قاعد - 00:23:50

درس وبشرب وباكل وبضحك الكلى الصناعية شلل للحياة. وتوقف عن الحياة والم وست ساعات. قاعد عشان يجيب عشرين سنتي بول وحاجة سبحانه الله العظيم. طب هذا خلق الله بقى الكلى الطبيعية ولا كل ما وصل اليه الانسان؟ انا قاعد دلوقتي قدام الكاميرا.

الكاميرا - 00:24:10

هي في عينيا وعينيك جاية في الكاميرا. قارن عينيك بالكاميرا كده. الكاميرا دي كم ميجا بيكسل؟ الايفون سكس بلس اعتقد ان اللي قدامي ده ايفون سكس بلاس البكسل بتاعته اتناشر ميجا بيكسل. اتناشر لو شلناه وجبنا اوبو اقوى كاميرا في العالم كله عشرين

ميجا بيكسل - 00:24:30

قبلت موبايل عشرين ميجا بيكسل. عينيك خمسمية ستة وسبعين مليون بيكسل. مش خمسمية ستة وسبعين ميجا مليون عارف يعني ايه بيكسل؟ يعني انت الحبطة دي لونها ايه يا رجالة؟ بيح مسلا صفرا بيح. طب والبلوفر ده برضه بيح. طب - 00:24:50
آآ الرخامة دي برضو بيح. طب والبنطلون ده برضه بيح. انما ما فيش حاجة اصلا اللون الثاني. مش ممكن كاميرا تجيب التنوع اللوني ده اصلا مش انت عينيك بتجيب ميت مليون لون. اللون الواحد عينيك بتجيب فيه اربعين درجة لونية. ما انت عندك ربع مليار كاميرا

صغيرة جهاز استقبال - 00:25:10

ضوء جوة عينيك الاثنين ربع مليار. بيستقبلوا الضوء. والصورة ويقوموا ناقلينها للمخ من خلال اثنين مليون سلك بكل عصب بصري فيه مليون سلك موصل. عشان كده العلماء قالوا مستحيل زراعة العين. قال لك هنزرعه ازاى؟ طب الكبد هنشيله ونجيب كبدة -

00:25:30

ونربط الوريد والشريان انما العين هنربط اثنين مليون سلك ازاى؟ ده بيربطها بالمخ اثنين مليون سلك. عينك دي بيقول لك انشط عضلات في جسم الانسان كله. يعني القضية مش قضية استرسال. قضية ان الفرق بين البكسل والبكسل ايه؟ بص بقى مش ده للبني

ادم وصل له - 00:25:50

بص بعينيك كده وسبح ربنا سبحانه وتعالى كل ما تشوف كاميرا الكاميرات يا جماعة اغلى حاجة في الكاميرا ايه؟ على فكرة ارخص حاجة في الكاميرا هي الكاميرا. الكاميرا اصلا اه تقول له الكاميرا يقول لك مسلا بتلاتين الف جنيه. طب جميل جدا انا هشتري كاميرا يقول لك استنى. انت لازم تشتري ايه؟ عدسات - 00:26:10

آآ آ اشتري عدسة بالكاميرا فيها عدسة يقول لك عدسة مين يا عم! ده فيه والعدسات دي العدسة بسبعناشر الف وخمستاشر الف بعشر تلاف. كده يعني لك في عدسة عشان تجيب القريب. انما بقى لو انت عايز تصور بعيد في عدسة تانية وادفع بقى يا عم. وفي

عدسة تالته عشان لو عايزك - 00:26:30

تجيب المسجد كله والابعد كلها. وفي عدسة وفي عدسة وفيها ايه يا عم! انت عينيك فيها كم عدسة! عدسة واحدة بس. بس جاية كل حاجة القريب والبعيد والوايد والنار جاية كل حاجة. عينيك المقارنة لا يوجد وجه مقارنة. ضروري كان بيقول انا - 00:26:50

امرض كل ما ببص لعين الانسان مش قادر اتخيل اصلا. عينيك عضلاتها هي انشط عضلات في الجسم كله. لما العلماء حسبوا انت بص انا قاعد ابص لك اهو ابص لك - 00:27:10

عينيك دي شغالة ليل نهار. الحدة دي بتفتح وتقف كل يوم ميت الف مرة. ميت الف مرة. الشبكية الكمبيوتر اللي الشبكية بتاعة عينك. يقدر يحلل عشرة مليار عملية حسابية في السانية الواحدة. عشان في الاخر ابص لكم كلكم. بص كده للمسجد - 00:27:20

باهر وانت شايف تفاصيل كل حاجة ووضوح كل حاجة. واحمد ربنا على نعمة العين. اكرت عضو في الجسم فيه ايات. واكرت عضو في الجسم بنعصي به ربنا قال لك ان كمية المجهود اللي عضلات العين بتبذلها يعادل بني ادم مشي تسعين كيلو متر في اليوم الواحد. هو

ده عينك دي بتاخذ دش كل - 00:27:40

فرقتين عشرين الف دش في اليوم ويجي المساحات الجفون سبعتاشر مرة في الدقيقة خمسة مليون مرة في السنة تقوم آآ تقوم

ناشرة الدش ده واياه ده! اياه الاعجاز الرباني ده! هذا خلق الله. هذا خلق الله. طيب ده دي عين - 00:28:00

آآ يعني خلق ربنا حاجات كتير اوي يا جماعة. يعني في حاجة اسمها الغلاف الجوي. الغلاف الجوي ده يقول لك الغلاف الجوي ده لولاه كانت الشهوة اتحرقت الارض وفيه ست انواع من الاشعة الكونية السامة اللي تدمر حياتك تماما. الغلاف الجوي هو اللي بيحميك منهم. فقال لك الجازبية بتاعة الارض - [00:28:20](#)

لو كانت زادت شوية كانت الغازات السامة اتجزمت وكلنا اتسممنا لما اتنفزناها. قال لك طب لو الجازبية بتاعة الارض اتقلب شوية كان حصل ايه ؟ كان الاكسجين طار وكنا الصبح صحينا ما لقناش اكسجين. لان الجازبية قلت على مين اللي زبطها لك - [00:28:40](#)
مين اللي قرأت لعالم من علماء في كتاب آآ اسمه صانع النار كتاب اجنبي مترجم. بيقول ازاى بيقول معجزة ان الانسان ما اتحرقش. يقول لك انت المفروض تتحرق انت جسمك مليان ايه ؟ اكسجين. مليان اكسجين. قال لك الاكسجين ده غاز آآ هو ده بتاع الولعة اصلا. هو بتاع ده على الحريقة. قال لك ما فيش خلية في جسمك - [00:29:00](#)

مش مليانة اكسجين فقال لك انت ازاى ما بتولعش وانت قاعد اصلا؟ وكمان جسمك مليان كربون. الكربون اللي في جسمك يعمل الف قلم رصاص. فالكربون ده الفحم الاكسجين ده الولعة. قال لك انت المفروض تولع وانت نايم. ده انت جسمك ده بيبكون حرارة تفاعلات المية آآ تربليون خلية. انت - [00:29:20](#)

فيه مية ترليون خلية ميت الف مليار خلية. التفاعلات والحرارة اللي بتطلع وانت قاعد قال لك تكفي كل نص ان يغلي عليها اتنين ونص كيلو مية. يعني الحرارة اللي طالعة من جسمك كل نص ساعة لو ولعنا على اتنين ونص كيلو مية - [00:29:40](#)
خلوا المية دي تغلي. طب انت ازاى ما بتولعش ؟ ربنا خلق لك خمستاشر مليون غدة عرقية. قال لك لولا الغدة العرقية دي قدم رجلك لوحده فيه خمستاشر في ربع مليون غدة عرقية. قال لك لولا الغدة العرقية كنت ولعت كانت الحرارة دي ولعتك وانت قاعد. انت ازاى ما بتولعش ؟ انت ازاى ما بتتحرقش ؟ انت ازاى - [00:30:00](#)

ما بتتهضمش المعدة لحمه ما كلتش فش قبل كده ما كلتش كرش قبل كده وبتتهضم الايه ؟ اللحمه طب ازاى ما تهضم لحمه وهي ما تتهضمش. الجيم بتاع انزيمات الهضم اللي في خلايا المعدة موجود في خلايا المخ. طب لو الجين ده في المخ كان نشر - [00:30:20](#)
المخ كان هو بنفسه. كنت انت اتهضمت وانت قاعد كده. اشمعنى الجين ده ما اشتغلش غير في المعدة بس ؟ وفي كل الجسم الباقي موجود وما اشتغلش. ايه ايه العظمة دي - [00:30:40](#)

انت كل سانية بيتولد في جسمك مية خمسة وعشرين مليون خلية جديدة. لان بيموت مية خمسة وعشرين مليون خلية. عشان تخطي برجليك خطوة لقدام. متين عضلة في جسمك اتحركوا اربعين عضلة في رجلك ومية وستين عضلة في باقي جسمك. عشان خطوة واحدة بتخطيها. ازاى ؟ مخك اللي فيه مية مليار خلية ده بعدد - [00:30:50](#)

ثم جرة التبانة مين اللي اداه لك ؟ وسبحت ربنا النهاردة كم مرة ؟ وحمدت ربنا النهاردة كم مرة ؟ لما كان دارو ان آآ مطلع النزرية بتاعته هو داروين عمل نزرية التطور ليه ؟ رغم ان النظرية دي كل العلوم الحديثة بتهدمها. الملوك البيولوجي البايوكنستري الاورجان الكيميسري الجينيستيكس كل العلوم - [00:31:10](#)

الحديثة بتنسفها بتنسفها ناس. داروين قال ان ما فيش حاجة معقدة اصلا في المخلوقات. وان لو قدرتم تجيبوا لي مخلوق واحد معقد انا هقول لك ان النزرية دي بتاعتي انهارت. لان هيقول لك المعقد ده جه منين ؟ ما هو التطور ده ان كله طلع من بعضه. فكله طلع من بعضه يبقى لازم كله بيفسر انه طلع من بعضه - [00:31:30](#)

فما تجيبليش عينين انسان مزهلة زي عينين الانسان داهيت اللي كان بيمرض لما يشوفها وتقوم قايل لي آآ ان عينين الانسان دي طلعت مسلا من عينين القرد لا الفرق مهول ما بين الاثنين. ما ينفعش دي تطلع من دي. فما لهاش تفسير هنا. كنت عايز اجيب لكم مصاصة فيران معي وانا جاي احد العلماء - [00:31:50](#)

الاجانب شبهها بنصابة الفيران. قال لك مصيدة الفيران ديت لها باب. ولها زومبورج كده يقوم قافل على الفار اول ما يدخل. ولها طعم جوة بيتحط في حته اكل ولها قاعدة خشبية رابطة القفص الحديد ببعضه. ولها مطرقة اول ما بيقفل الباب تقوم خابطة الفأر اكلاه. فقال لك لو - [00:32:10](#)

لو المصيدة دي ما كانتش اتكونت من اولها اتصنعت من اولها كاملة. ما كانش فيه فار اصلا اتقتل. فقال لك هو كل مخلوقات الكون كده. ما فيش حاجة اسمها ان العين الاول جت شبكية. بعد كده بعد مليون سنة طلعت قزحية. بعد اتنين مليار سنة بقى قام طالع القرنية. شوية - [00:32:30](#)

قام جايب جفون بعد قال لك ما ينفعش. هي يا من اولها كده يا مش هتشوف اصلا. هي من اولها لازم تبقى كده. فسبحان الله العظيم ايام داروين داروين بنى نظريته على ايه؟ على ان الكلمة بتاعة هيجي لان خلية الانسان دي عبارة عن بالونة ومليانة شوية السائل الهلالي. طبعا - [00:32:50](#)

الكلام ده كلام وهمي. ان شاء الله بازن الله الخميس الجاي على الصفحة صفحة الفيس ان شاء الله يعني غالبا هتكلم عن معجزات ربنا في خلق الخلية. كلام كلام فارغ - [00:33:10](#)

الوقت ده كلام سخيف. الوقت الخلية دي زي ما بيقول آآ مايكل دانتون بيقول لك انت لو كبرت الخلية دي مليار مرة الف مليون مرة كبرت خلية الف مليون مرة وطب ما تجيب باكل بسكوت ده بقى. لو كبرت الخلية الف مليون مرة. باي باي. حبيبة قلبي يا يوي. باي. اقعدى ياما - [00:33:20](#)

بابا دكتور احمد! بابا فين؟ لو كبرت الخلية مليار مرة قال لك هتلاقي فيه ملايين البوابات عليها لو دخلت من اي باب هتلاقي عالم مزهل من التكنولوجيا. الخلية دي يا جماعة دولة جوة الدولة. دي دولة. عارفين النظام الكونفيدرالي اللي هو بتاع الخلافة - [00:33:40](#)

الخلية دي دولة والجسم ده بيتكون من مية تريليون دولة. الدولة دي كل حاجة فيها عبارة عن غشاء الخلية ده وزارة الداخلية. ما فيش حاجة تدخل الا بعد ما يراقبها. ويفحصها. ويشوف الخلية محتاجاها ولا لأ. ومحتاجاه بقدر اد ايه - [00:34:00](#)
وزارة الطاقة والبتترول والنزام الحاكم والبنك المركزي ده النواة وزارة الصرف الصحي والبيئة وتخليص الخلية من الصرف الصحي بتاعها. وزارة الانتاج والصناعة ده حاجة اعجاز اعجاز الكلام ده جه ازاي؟ هذا خلق الله. فاروني ماذا خلق الذين من دونه. بل الظالمون في ضلال - [00:34:20](#)

مبين بل الظالمون في ضلال. بيجي الملحين الوقتي وييجي الملحين الوقتي يعني باختلاف مشاربهم ويحي يحاول ان هو يشكك في خلق الله ويقول لك باقول لك ايه عشان تقول لي كلام علمي اسبت لي ان كل الكون ده جه من غير ما تقول لي كلمة ربنا لو قلت لي كلمة - [00:34:50](#)

ربنا يبقى انت ما بتقولش علم. يعني ايه لو قلت لك كلمة ربنا ما بقولكش علم؟ عشان كده ليه مصممين على نظرية التطور؟ رغم انها فاشلة؟ لان البديل الوحيد عن - [00:35:10](#)

طريقة التطور هو ان ربنا هو اللي خلق. فهو مش عايز يعترف بده. هذا خلق الله. المثانة. المثانة البولية. انت كلتك مرشح البول تخيل لو كان ربنا ما ادكش المسانة. جسمك كله زي ما هو واعجاز الكلى زي ما هو وكلتك بتشرح كل عشرين سانية نقطة - [00:35:20](#)
طب لو انت بقى ما كانش فيه المخزن اللي البول بيتخزن فيه وكل خمس ست ساعات تدخل الحمام. عارف انت كنت بتحصل ايه؟ كنت تمشي تنقط. كل عشرين سانية نقطة بول تنزل. الا لو لبست بامبرز. وفضلت طول عمرك لابس بامبرز. او الحل الثاني انك تاخذ دش تستحمى كل عشرين سانية عشان - [00:35:40](#)

افضل ماشي طاهر. فتخيل المثانة دي ربنا عمل لك بها ايه؟ تخيل كده وانت نايم كده واللعب زاد في بلك. المخ صاحي المخ ما بينامش ليل ولا نهار ابدأ. زي العين كده حتى وانت قافل جفونك العين بتتحرك. اه وفي الاحلام العين تفضل تروح وتيجي. المخ ده ما بينامش. فتخيل كده - [00:36:00](#)

والتدايم المخ صاحي ومركز وقاعد يحسب ابعادك على السرير كويس عشان ما تترماش ولا تتقلب ولا تقع وقاعد ينضم حركة الاعضاء كلها فيلاقي اللعب زاد في البوق يقوم يأمر عسكري المرور لسان المزمار. يقوم مدي الاشارة الحمراء. يقوم قافل مجرى النفس. يقوم الريق اتبلع - [00:36:20](#)

لو كان لسان المزمارة رينا ما ادهولكش. كنت من و انت لسه مولود مت مع اول مرة بلعت ريقك. او اول مرة رضعت فيها. كان فين السواق اللي في رقبتك وكنت مت وكان كل حاجة انتهت. هذا خلق الله. هذا خلق والله يا اخواني. والواحد بيحس في الكلام ده. والكلام ده كله الواحد - 00:36:40

دور عليه بقى في الياه؟ كتب العلماء الاجانب الافلام الاجنبية الحاجات المترجمة قدر الوسع يعني. الواحد بيحاول ان هو يشوف شف خلق ربنا من الناس اللي اكتشفوا الكلام ده. من الناس اللي وصلوا للكلام ده. كلام رهيب. كلام رهيب. كفاية المخ البشري ده. المخ البشري اللي - 00:37:00

عمل الطائرة اللي بدون طيار اللي بحجم النحلة اللي الليزر اللي فيها يضيء القمر كله. المخ البشري اللي اخترع تلسكوبات ورتة مية وستين مليار حالة ضوئية واكتشف قوانين الفيزيا والكيميا. المخ البشري اللي اللي انتقل من العصر الحجري للبوينج والمراج والاف ستاشر - 00:37:20

المخ البشري اللي عمل كيريو سيتي الراجل الالي اللي على المريخ دلوقتي واحنا بنتكلم عامل بس مباشر من على المريخ للعلماء يقول لهم كل سنتي في المريخ ده فيه ايه؟ المخ البشري ده معجزة ولا مش معجزة؟ هذا خلق الله. قارنه باي كمبيوتر. كمبيوتر مين يا عم اللي عمل الكمبيوتر هو المخ - 00:37:40

فاروني ماذا خلق الذين من دونه. بل الظالمون في ضلال مبين. كان المفروض هجيب لكم افلام معي النهاردة ولكن قدر الله سبحانه وتعالى يعني ان هي ايه لم تتيسر. فتهحاولوا تركزوا معي بقى دلوقتي وانا بتكلم معكم في الاية رقم عشرة. خلق السماوات بغير - 00:38:00

ترونها. ترونها. انت ممكن تقراها خلق السماوات بغير عمل ترونها. لها عواميد ولكن لا تراها. لا تراها. اصل يعني يعني هو ازاي كنا بتربط ببعضه اصلا! هي الارض حته الكرة اللي في الهوا دي! هي مش واقفة على حاجة! هي واقفة ازاي! وازاي بتتحرك في مسار من غير - 00:38:20

ما يكون فيه شريطين قطر ماشية عليهم. وازاي الارض دي بتتحرك من غير ما تمون بنزين كل شوية. وتقف في محطة بنزين اصلا. وازاي سابتة حوالين الشمس من غير ما يكون فيه خيوط ماسكاها في الشمس. العلماء قالوا عشان الارض تمسك في الشمس لازم يتربطوا بمليون - 00:38:40

حبل فولاذي. كل حبل السمك بتاعه خمسة متر. من اقوى انواع الفولاذ في الكرة الارضية. قال لك لازم. قال لك طب ازاي الارض دي متسبته كده؟ وازاي ماشية من غير شريطين قطر؟ ازاي؟ قال لك سبحانه الله العظيم هي دي بغير عمل ترونها. ان عواميد - 00:39:00

جازبية اللي جزية لكل بعضه ومتزبطة بالزبط هي دي اللي ماسكة الكون في بعض. كلام تتوه فيه العقول يا اخواني في الله. فربنا بيقول لك في الاخر ترى اه يعني في بعض المفسرين قال لك ترونها ممكن تبقى استفهام. خلق السماوات بغير عبد ترونها شايف. شايف الشمس المزهلة دي ولا ما انتش شايفها - 00:39:20

شايفة النجوم المذهلة دي المليون مليون مليون نجم اللي في السما دول! شايف ولا ما انتش شايف ترونها! امال قلبك لسة زي ما هو ليه! من شوية ربنا قال كأن لم يسمعها. الوقت ربنا بيقول لك كأن لم تراها. ولا كأنك شايف ايات ربنا في السما ولا كأنك سامعة قرآن. ترونها. امال لو - 00:39:40

ما انت شايفها خايف من المخلوق ليه؟ امال لما انت شايف اعجاز ربنا في خلق السما؟ ما انتاش معزم ربنا في ليلك ونهارك ليه؟ النبي عليه الصلاة والسلام كان اول حاجة يعملها - 00:40:00

اول ما يصحى لقيام الليل يعمل ايه؟ ينظر الى السماء ويقرأ خواتيم ال عمران عشان يفوق. عليه الصلاة والسلام النظر للسما بيفوق بيخليك تتلهب عشان تنطلق الى الله سبحانه وتعالى. ام سلمة تقول ما خرج رسول الله صلى الله عليه وسلم من بيتي الا نظر الى السماء - 00:40:10

يبقى النبي اول ما يصحى لقيام الليل اول حاجة يعملها يبص للسما عشان ياخذ شحنة معنوية يقوم بها مهما كان مجهد طول اليوم في الجهاد. طب واول ما يخرج من بيته رايح للدعوة الى الله بقى. مش رايح للصالح زي قيام الليل. رايح للصالح والدعوة. اول حاجة يعملها ايه؟ ينزر للسما يشحن قلبه - [00:40:30](#)

يشحن قلبه عشان يتذكر انا خارج لمين واستحمل المرافقين في سبيل مين؟ وهجاهد اليهود في سبيل مين؟ وهستحمل مشاكل الصحابة عشان مين وهستحمل مشاكل الفرس والروم في سبيل مين؟ في سبيل من رفع هزه السما يتجدد الاخلاص والصدق ومقامات الايمان كلها. عشان كده - [00:40:50](#)

حاجة النبي عليه الصلاة والسلام عملها في حياته ايه؟ ها؟ لما الرسول صلى الله عليه وسلم مات حصل ايه؟ نزر للسيد. شخص بصره الى السما. اخر حد حاجة النبي عصام عملها في حياته بص للسما. اخر نزره في حياة النبي كانت نزره الى السما. كانه استعد للموت بالنزر للسما - [00:41:10](#)

عليه الصلاة والسلام. مربوط بالسما ترونها. شايف ولا ما انتاش شايف؟ ما هو كل حاجة في السما وربنا ما قالش النجوم. قال سما الجنة في السما. ربنا فوق. فوق. سبحانه وتعالى. خالق السما. سبحانه وتعالى. الملايكة - [00:41:30](#)
في السما السعادة في السما رزقك في السما. النجوم والاعجاز ومشاهد العظمة المزهلة في الكون في السما. المفروض ان انت السما دي زي للناظرين. ابليس بيقول لربنا لازين لهم في الارض. ربنا قال لنا قال لنا زينها للناظرين. هو قعد يزين لكم الارض وانا -

[00:41:50](#)

كأنكم السما ونشوف قلبك هيتخطف للارض ولا هيتخطف للسما؟ ترونها؟ كلمة ترونها دي هتتكرر معنا في السورة كتير قوي. شوية هذا خلق الله اروني شوية الم تروا ان الله سخر لكم ما في السماوات. شوية المتر ان الله يولج الليل في النار - [00:42:10](#)
شوية المتر ان الفلك تجري؟ الم ترى؟ الم ترى؟ الم تروا ترونها؟ اروني السورة بتقول لك فتح شوية فتح على كون اللي حواليك شوية ازاى ما نتش شايفين المعجزات والمزهلات ومجمع المعجزات اللي حواليكم ده والمزيلات اللي حواليك معجزات في الخلية -

[00:42:30](#)

معجزات في جسمك. معجزات في الفلك. معجزات خلق السماوات. بغير عمد. ترونها. خلق السماوات الاقرب نجم لنا على بعد اربع سنين ضوئية. يعني لو انت ركبت عربية وان طلبت له بسرعة ميت كيلو في الساعة توصل له بعد ثلاثة واربعين مليون سنة -

[00:42:50](#)

ان في نجم اسمه نجم القطب على بعد اربعتلاف سنة ضوئية. يعني عايز ثلاثة واربعين مليار سنة. انت لا شيء اصلا مش عارف مين بيقول لي امبارح احنا زرة حاجة احنا زرة في الكون. قلت له يا ابني والله ولا انت زرة اصلا. الارض دي لو اتاخذت من وسط الكون والله ولا حد - [00:43:10](#)

بيضربها اصلا ولا انت شيء اصلا. اللي يقرأ اللي يسمع افلام عارفين فيلم كده على اليوتيوب بس بامان يعني اسمه رحلة الى حافة الكون عايز عقلك يتوه. اسمع شف انت فين يا عم ولا انت مين ولا القصة جاية منين. ولا القصة يعني رحلة الى حافة الكون -

[00:43:30](#)

خلق السماوات بغير عمد ترونها. فيه نجم على بعد مليون سنة ضوئية. يعني انت محتاج الف مليار سنة بالعربية بتاعتنا دي عشان خصوصا اربعة وعشرين ساعة معجزات في كل شيء. من السماوات العشرين مليون خلية شم اللي في انفك. اللي يميزه ما بين خمسين الف ريحة. مين اللي - [00:43:50](#)

اديهم لك دور. مين اللي اداك كل ده؟ ذلك بان الله هو الحق. هو اللي بحق وحقيقي. الباقي كله وهم. الباقي كله سراب الباقي كله خيالات مئاة. ركز مع ربنا شوية. ركز مع خالق الشمس والقمر. الشمس دي احترجت حرارة بطنها عشرين مليون درجة مئوية -

[00:44:10](#)

يعني لو الارض اتحطت في قلبها تتبخر في سانية واحدة. بكل اللي عليها. الشمس لو اتحط جواها مليون وتلتميت الف ارض اتسحب.

الشمس لسان اللعب اللي منها بحجم ستين كرة ارضية. الاشعة الشمسية اللي طالعة منها تسمم الكرة الارضية كلها لولا الغلاف الجوي.
اللي ربنا اداه لنا - [00:44:30](#)

سبحانه وتعالى برحمة من عنده. وبإبداع من عنده سبحانه وتعالى. الشمس دي الشمس دي يا اخواننا ملايين الانفجارات النووية كل سانية وحش وحش ولكن النور اللي بيوصل لك من نور الشمس اتنين في المية بس. ليه؟ بتوصل لك بقدر عشان حضرتك تتدفى بس
عشان - [00:44:50](#)

فين الاوتوكلاف الرباني اللي بيعقم لك الارض من غير الشمس الارض دي تعفن كلها اصلا. الارض هو القى في الارض رواسي ان تميل بكم الارض بتتحرك كل سانية ثلاثين كيلو متر. عارف يعني ايه كل سنة ثلاثين كيلو متر؟ انت ركبت عربية اقصى عربية ركبتها -
[00:45:10](#)

العربية لو اه يعني لو بريف هارت او اللي سيئة وساق على مية وخمسين قلبك يتخلع جنبه. مية وخمسين كيلو في الساعة. يعني في الثانية دي تبقى قد ايه؟ اقسام - [00:45:30](#)

بعد تلت تلاف وستمية مية وخمسين كيلو على تلتلاف وستمية تطلع كام؟ حاجة الارض بتتحرك في السانية ثلاثين كيلو متر مية وتمانية الف في كيلو متر في الساعة حوالين الشمس سرعة مرعبة. وانا قاعد الترابيزة قدامي والمنديل قدامي والمايك قدامي وكوباية الماية ما بتتهزش - [00:45:40](#)

ازاي يا اخوانا دي حاجة اصلا ام من جعل الارض قرارا. الله سبحانه وتعالى هو القى في الارض رواسي ان تبعد بكم. الارض لما من اكثر المنازل اللي بتخطف قلب الواحد لما ببص لمنزر الكرة الارضية وسط المجموعة الشمسية. من اكثر المنازل اللي بتأسر في قلبي -
[00:46:00](#)

منزر الكرة الارضية من برة. لما اشوف منزر الماية والسحب البيضاء اللي مغطية اليابس. اما اشوف المنظر ده. ما اصل انت لو بصيت على الكواكب اللي حواليك والكواكب اللي بيفكونا تعرف ان المنزر ده مزهل. ابعد كوكب عن الشمس درجة حرارته تلتمية تحت الصفر. وسرعة الرياح فيه الفين كيلو متر في الساعة. يعني مش - [00:46:20](#)

مممكن مقتلة اقرب كوكب للشمس اليوم بتاعه سنة. والفرق بين الليل والنهار لان هو ست شهور ليل وست شهور نهار. اليوم بتاعه والفرق بين الليل والنهار الف درجة مئوية. النص المواجه للشمس جحيم. والنص البعيد عن الشمس جليد. اما تبص - [00:46:40](#)
الكرة الارضية مين اللي عمل دي؟ مين اللي عملها كده؟ ومين اللي حاوطها بالكواكب دي كلها؟ يقول لك الكوكب المشترك كبير اوي اوي اوي ده من غيره كانت الشؤم والنهازك رجمتنا - [00:47:00](#)

هو اللي خدها كلها. لو جبت طفل عنده سنة كده وخمسة بودي جاردات حواليه كده. ها وواحد قاعد يزقل بالطوب غالبا الطفل ده مش هيجيب فيه حاجة ليه البودي جاردات هم اللي هياخدوا كلها. هم اللي حجمهم كبير. اهي الارض عاملة زي النونو. والكواكب حوالها كلها كل الضرب بتاع الشوب والنيازك - [00:47:10](#)

وببيجي في اللي حوالها وهي لأ. وهي لا تصاب باذى. ولو جه شوية حاجات صغنة كده عدت لها الغلاف الجوي يقوم حارقها. ربنا حاميك. ربنا حارسك خلق السماوات بغير عمد ترونها؟ لما تبص للسما كده تقول فعلا اللهم - [00:47:30](#)

فانت انت وانا انا. يا رب انت عظيم قوي يا رب. بحب قوي لما امشي ورا جنازة ادخل المقابر ابص فوق وابص تحت. تحت التراب بتاع البني ادمين ده حقيقتك يا ابن ادم. وفوق السما العظيمة ده الخالق ده من اثار الخالق وعظمة الخالق. تبص فوق تفتكر من هو -
[00:47:50](#)

الله تبص تحت رجلك تفتكر من هو الانسان تعرف الحقيقة كلها. والقى في الارض رواسي ان تميل بكم. يعني ايه ان تميل بكم؟ يعني انا عايز بس اقول لك دلوقتي - [00:48:10](#)

كورة ارضية ستلاف مليون مليون طن. بتتحرك بسرعة مية وتمانية الف كيلو متر في الساعة انت متخيل الوضع المرعب اللي انت فيه. ده انت لو بصيت من الشباك بيجي لك سكتة قلبية. ده انت ربنا ساترها معنا والله يا اخوانا. ان احنا مش فاهمين الوضع -

المرعب اللي احنا فيه اصلا ده انت راكب عربية مرعبة بس انت مش فاهم. تخيل بقى آآ اي عربية بتركبها لازم بتتهز اي طيارة تلاقي تعرف تقعد تتهز انت في ايه يا عم! مطبات هوائية. طب هي الارض ما بيعديش عليها مطبات هوائية. يعني الارض ما بتتهزش. العلماء قالوا الارض فيها ترنح في الحركة بتاعتها - [00:48:40](#)

مفروض الارض برضو كان يبقى فيها هزة الجبال تمنع هذه الهزة. غير ان الجبال مرسخة القطع بتاعة الكشري الارضية في بعض. فتلاقي الارض تحت رجلك سابتة الارض تحت رجلك لا تميل. وبث فيها من كل دابة. هناذن اهو وبث فيها من كل دابة. امريكا من متين سنة اخترعت كم - [00:49:00](#)

الصلاة لحد دلوقتي. ربنا في المخلوقات الحية بس عشرين مليون نوع كائن حي. وبث في باس عارف البس المباشر؟ وبث فيها من كل دابة. ما فيش مش نموذج اعجز الله ان يخلقه. الله وضع في النملة اللي وضعه في الفيل. بل الدبابة انت عينيك الحلوة دي الدبابة لها - [00:49:20](#)

خمس عناية. النحلة لها خمس عنيج. الدبابة بتشوف بعينها خمس اضعاف سرعة عينيك. عشان كده الصقر من فوق اتنين كيلو القط الفار ينزل ينقض عليه ياخده. انت لا يمكن تشوف حاجة زي دي اصلا. النحلة ما بتشوفش بالنور بتاعك ده. النحلة بتشوف الازهار - [00:49:40](#)

بالضوء الفوق بنفسجي. البومة بتشوف الفرايص بتاعتها بالليل بالاشعة بتاعت حمراء. ايه ده انت آآ انت وبث فيها من كل دابة وانزلنا من السماء ماء. الله اكبر! السحابة الواحدة العلماء قالوا السحابة شوية القطن دي فيها تلتमित - [00:50:00](#)
تلتमित الف طن مية. يعني التلتमित مليون كيلو مية. بينزل مطر في السانية الواحدة واحدة في الارض ستاشر مليون طن. كل سانية وانزلنا من السماء ماء بقدر. ربنا قايلها من الف وربعميت سنة بقدر كل حاجة - [00:50:20](#)

مقدار ستاشر مليون طن في الثانية. وانزلنا من السماء ماء فانبتنا فيها من كل زوج كريم. النباتات فتت عطرية لأ نباتات زينة لأ نباتات آآ بهارات لأ نباتات طيبة لأ نباتات مثمرة بتطلعلك الفواكه والثمار - [00:50:40](#)

لأ نباتات اه اه ايه في ايه حاجة ايه الاعجاز ده يا رب فانبتنا فيها من كل زوج كريم كامل الاوصاف وكمات كرم ربنا في بناء الضوء بقى ملايين ومليارات اطنان الاكسجين اللي بتستهلك يوميا ده لولا النبات كان زمان كلنا متنا واتخنقنا هذا خلق الله - [00:51:00](#)
هذا قدامك اهو اسم اشارة يدل على القريب. اهو كل كل ده حواليك. بص شوية بص على قد ما تقدر. فاروني ماذا خلق الذين من دونه؟ بل الظالمون زي الملحدين كده زي ده وكنز كده وهو كينج فريد هويل وآآ و آآ اوجستن وآآ وهيجل وآآ فاروني - [00:51:20](#)
ماذا خلق الذين من دونه؟ بل الظالمون في ضلال مبين. ومع اذان العشاء باذن الله - [00:51:40](#)